

流

寇

志

流寇志卷五

海盜彭瑞麟聚眾自衛

崇禎十四年辛巳正月丁丑朔獻曹二賊入巴川己卯初走達  
州甲申初賊渡達河而東乙酉初起新開萬元吉自保寧至達  
州驛道焚毀人烟斷絕七百里單騎走儀隴渠休至萬縣放舟  
順流下始及騎兵初賊竄南溪元吉以軍心不一未可以戰欲  
從間道出梓潼扼歸路可持重萬全嗣昌至沔陽檄諸軍疾追  
賊不得令他逸諸將從瀘州逐賊：折而東返歸路盡空莫之  
遏猛如虎僅將寧國共六百騎餘皆平賊營兵驕悍不奉進止

賀人龍頤兵廣元不進中軍陳可立擁半頭山飲酒奏樂以觀  
闕元吉令之赴敵背道馳去己丑子如虎率諸將及賊開縣黃  
陵城日暮雨作諸將以人馬乏請以詰朝戰參將劉士傑驍勇  
思立功毅然曰自瀘逐賊馳驚四旬幸而及之惟敵是求今遇  
賊不戰縱敵失賊誰任其咎請為諸君先揮戈進如虎從之士  
傑奮勇搏戰連勝之賊奔山巔獻忠憑高望見軍無繼左右皆  
前却不進因以精銳統谷中出官軍後反兵馳而下左右先潰  
士傑及游擊郭開如虎子先捷皆戰死前軍覆如虎率牙兵苦  
戰中軍馬智翼如虎突圍、開血戰出馬騾圍防盡為賊有賊

長驅東走壬辰六月至雲陽遂過淨堡癸巳六月至薊趨如虎  
收殘赴薊閩將破宜水河南震動提兵王紹禹率劉羅二副  
將赴河南府福王大燕將士紹禹請以兵入城王再三諭止不  
聽癸巳七月諸軍悉入甲午八月劉羅二將夜噪燭西關降賊詰朝  
賊至乙未九月闕欄至薊宿乾溪閩將圍河南府福王募死士  
斬獲頗多引退兵倫副使王能昌知府馮一俊通判白尚文知  
縣張正學分門守提兵王紹禹及推官衛精忠以游擊策應賊  
以炮攻城守嚴不動及昏而退初更紹禹有介而馳周呼于  
城上城外亦呼而應之紹禹兵挾刃執能昌城上索金紹禹馳

殺之諸軍曰賊在城下搃鎮如我何揮刀殺守陴驚而墜堞賊緣堞上散兵開門迎賊入通判白尚文墜城先衝精忠王紹禹跳城走衛指揮李宜棟死城上縉紳侍郎呂維祺家居聞變自經死知縣劉芳奕韓金輝行人王明同知楊萃推官常克念舉人荀良翰俱死賊焚福王府王及世子由松縋城出避兵迎恩寺士民被慘數十萬王胤昌馮一俊張正學及指揮馬汗赤被執一典吏不屈見殺丙申七月賊止兵白尚文屍已為飢民所食闔將發府穀及藩邸巨室米數萬石金錢數十萬賑飢民先是賊聞福邸甚富為謀已久遼陝西叛兵數百逃至河南巡

撫招至城中禦寇事聞詔逮首惡教人叛兵懼陰勾自成龍河  
南為內應故一夕而陷丙申壬獻擗整騎自天羅寨東下巫山  
大昌元計在夔門登白帝城望賊騎歷々不滿三千因赴開縣  
收召殘兵祭陣亡諸將劉士傑郭閑猛先捷表動三軍嗣昌在  
雲陽聞開縣失利始悔不用諸將謀扼歸路初賊西渡達河也  
嗣昌策其必入秦因令良玉自興歸趨漢中追賊返瀘州更檄  
良玉自夸陵進勸使者憚行中途反命曰平賊入漢中矣既慮  
其言不實使人給良玉曰賊向漢中矣良玉不至嗣昌之使十  
九返良玉曰曩依督師令返旆與安瑪瑙山安得成功乎遂撤

興房諸兵趨漢中賊適至夔門若相避者賊既度巫山晝夜疾走興房山中嗣昌在雲陽令川湖兵追之不及丁酉閩賊跡福王所在執之初呂維祺遇王出西郊語曰王死生命也名義甚重毋自辱王見自戕色怖乞生內官崔昇年十三勸王寧死勿屈抱王不去并見言于西關周公廟賊置酒大會饗王為姐襍鹿肉以食之號福祿酒尸王城下承奉二人乞葬王而就死自成許之斂王于西關遂自盡于側審理李春茂典膳張賢典樂劉文魁逃免鄒妃世子脫走亂兵劫之裸而奔益縣旋入懷慶世子繼妃李氏福王選侍孟氏蕭氏李氏皆自經內執事承

奉劉顥典膳錢福門正李勣等三十六人外執事書堂官集  
如星良醫張鳴皋杜一經等十一人皆死 草四川巡撫陳良  
謨職戴罪殺賊命湖廣巡按汪承詔監諸軍戊戌二月啟瀛拜  
陝督命次畧陽將從階文入蜀闖賊復東遂還軍東下以解文  
與扼虢陽趙光遠控西鄉截西平諸道以遏賊開大入秦之路  
癸卯賊猛如虎從督師次夔左良玉自襄返鄖陽 山東：平  
東阿張秋肥城盜賊並起兗州二十州縣一時響應惟濟寧滋  
陽無盜京師道梗省直餉銀數百萬俱阻于兗州甲辰八月賊  
李廷寶李鼎銓陷高唐州東平胥隸倡亂迎賊入城據之巡撫



王國賓六發道官兵防兗州令臨清提兵劉澤清以兵復東平  
河南賊之一侯二侯四嘯聚數千人封邱知縣鮑茂相練提趙  
國昌攻破賊巢斬首二千 二月丙申朔嗣昌命元吉督川湖  
兵三千下荊州護惠藩獻標由房竹走當陽安遠袁繼咸悉鄖  
鎮兵扼賊于房竹均鄖賊乘虛走宜城偵襄陽無備賊獲猛鎮  
關防兼得嗣昌檄先遣劉秀興選驍騎二千詐為官兵持令箭  
文書赴襄陽劫蜀鞘銀數萬殺送鞘者襲其衣裝昇鞘偽為避  
寇先入襄陽城已酉初獻標勒精騎二百里外持令箭夜叩城  
兵備副使張克儉啟門賊入即揮刀殺門中伏起火燭天知府

王承曾率兵數千射于衢，互殺傷獻。操大隊馳至，長驅入滿城。  
大亂，烟爻隔路。庚戌初平明，賊盡入。承曾率家丁突圍走，張克  
儉死之。署縣李天覺聞城破，北面再拜自經死。推官廣曰：「廣被  
執，罵賊死之。」破獄出，赦氏高氏徐以顯潘獨鰲等焚襄王府，執  
王獻忠坐王宮。王坐堂下，勸以卮酒曰：「吾欲斷嗣昌頭，而遠在  
峽口，今當借王頭使嗣昌以陷藩伏法。」王其努力盡此酒，縛王  
殺之城上。焚城樓，投火中，殺凌陳二妃。蘭陽王母徐夫人太  
和王妃，即氏貴陽王常法獻密據王宮，發銀十五萬賑飢民。福  
清王常澄、進賢王常淦微服突圍走，免襄陽守兵數千之軍資。

山積盡為賊有。初，良王至河南，以鹵獲蓄許州。獻忠襲取之。良王駐鄖陽，吏寄家累資蓄于襄陽。安插降丁家口于樊，獻忠陷襄陽，復盡鹵之。良王同哀繼嗣發兵馳救，已不及矣。樊城守者聞襄陽斷浮橋，斂舟北岫。癸丑，初賊渡江，破樊城。湖廣巡撫宋一鶴令副將劉承胤守承天。川賊盡入楚，唯搆天動留川東。萬元將川陝兵千八百屯白帝，神女間絕其入楚。福清王潛遣人索襄王尸，已燼拾頭顱骨數寸歸。乙卯，初天津演武塲旗竿夜鳴，大聲若雷。閩將搜掘河南富室窖藏，俱盡燒王府廨舍，捆載金帛子女入山。發十一以賑貧民，餘資貯府庫，偽設官以

書辨邵時昌總理城守生員張旋吉梅鼎盛等皆為偽官賊整  
兵而去時昌募人爲兵月給銀五兩飢民從之簡五百人用賊  
旗幟列營城上門晝閉丁巳二巡撫李仙風偵賊去將游擊高  
謙兵抵城下時昌拒守仙風諭縛叛者時昌懼開門迎入仙風  
收斬之并殺張旋吉以下數十人馮一俊張正學馬汗赤素服  
軍前待罪王胤昌稱創重不起衛靖忠遁去不出士民保留正  
學仙風以正學領縣事給兵食修城垣馬汗赤領衛事集民兵  
防守戊午三閏將糾土寇瓦礫子一斗穀等攻開封開封為  
宋汴京金完顏亮益加增築土堅緻厚五丈己未賊以洞百

環攻七晝夜不息鑿深四丈有奇巡按高名衡同司道府及開  
封推官黃澍祥符知縣王燮設守躬率士卒登陴賊穴城不休  
矢礮翼之殺傷相繼軍餉告匱外攻轉急周王恭棖出庫金五  
十二萬買米麥日夜造飯屑麪餉守陴者懸金募死士能殺一  
賊者予五十兩兵民踴躍斃賊甚衆賊乃退河南久荒賊去未  
遠汴城尚閒樵采已斷半月米一石銀十五兩已未張獻  
忠陷當陽郡縣癸亥大學士范景文等奏由雒陽失陷上  
發御前銀一萬坤寧宮四千永乾宮三千翊坤宮二千太子一  
萬慈慶宮慈安皇后一千慈寧宮皇祖慈惠五萬長壽宮皇考孝五

孝通懿妃五萬特遣太監王裕民駙馬都尉冉興讓給事中葉  
高標齎赴河南慰卹福藩存膳宮眷恤塋建祠附承奉于廡以  
旌忠義 逮陝西總督鄭崇倫河南援勦總兵王紹禹降河南  
巡按高名衡職五級戴罪防勦 命懷慶知府程之鵬衛世子  
命保定提督楊文岳督總兵猛如虎河南討賊以江禹緒巡撫  
宣府呂大器巡撫甘肅曹櫻巡撫登萊 李仙風將高謙張德  
昌等兵徇孟縣擒叛將羅泰尤守義斬之一日夜走三百里至  
開封陳永福背城七戰皆捷斬首二千高謙扼險擊賊一日二  
捷斬首七百先是開封戒嚴仙風駐師于汴與高名衡會奏詔

逮仙風仙風知不免遂自盡 以陳永福為都督僉事鎮守河  
南以朱尚義掛征西將軍印鎮守延綏以初應鴈為右都督鎮  
守漢羌 賊圍東阿汶上甚急巡撫王國賓總兵劉澤清會兵  
二萬五千癸亥破賊于東阿殺賊數百國賓出東阿時山東寇  
盜充斥徐德數千里白骨縱橫又遇荒旱大飢父子相食人烟  
斷絕 嗣昌次夸陵聞襄藩失陷驚惋不食至荊州病甚捨舟  
寓徐園求醫上荊南 左革久屯潛山霍太陽款我師公行肆  
掠楊卓然左右之襄雒連陷革左乘機攻剽上諭革左肆毒必  
分地責成庶克底定命劉元斌扼光固盧九德扼潛太宋一鶴

截斬黃鄭二陽駐廬州年文綬防鳳泗錢中選護承天張懋爵  
往來穎壽毫宿稽挾功罪楊卓然贊畫搜歛朱大典梃各路撫  
鎮兵進勦英霍賊盜乙丑仁張獻忠陷光州 梃河尚書周鼎  
會兵勦山東土寇于寧陽岡盜四萬餘屯陽穀油簍寨魯王捐  
金募兵以防盜官兵四面圍賊焚其寨盜魁乞降充西道令盜  
能擒東西兩股賊方待罪聽降丙寅<sup>廿</sup>河上賊孟三夜入河陰  
執知縣成正中叩頭乞命乃免丁卯<sup>廿</sup>陷<sup>上歲</sup>新野游擊高謙副將  
張德昌攻河陰七晝夜拔之擒孟三殺二千<sup>人</sup>辛未<sup>卅</sup>應天巡  
撫黃希憲發兵守六安壬申<sup>廿</sup>副昌疾甚萬元吉同上荆南道



王承祚問疾重裘擁爐手顫問元吉曰秦師已至夸陵當從何  
道進發關將陷雒平賊鎮降將劉國能馬進忠家在舞葉請歸  
救護諸將既去平賊勢孤恐不能當獻摠元吉請與諸將共議  
之退乃列狀曰關將陷雒罪與獻同宜令平賊以全師擊關而  
秦師足以制獻摠癸酉元吉等復入視疾嗣昌已疾革不能  
言元吉趣監軍御史汪承詔疾馳赴荆便宜治兵食乙亥偏頭  
關天鼓鳴三月丙子朔嗣昌卒即日封賜劍勅印旂牌元吉  
藏荊州府庫馳表奏聞督師初沒軍心搖動元吉以上將營新  
降多南兵從正未堅盡發襄陽依家以署鎮陳可立轄之其護

藩大勦營隸猛如虎益以寧夏騎兵三千元吉監二軍駐蘄黃  
防獻搆東逞且彈壓回草五營令叅將王希甲游擊閔一麒郎  
啟貴都司周普以川草四營扼隨棗陝督丁啟濬自興安出  
鄖陽賀人龍李國奇次當陽以襄王貴陽王璉難遣官告廟  
兵部尚書陳新甲上書待罪貶秩三級仍視事諭兵部襄陽失  
陷文武各官罪無可追楊嗣昌已有旨左良玉違制避賊削職  
充為事官戴罪平賊自贖袁繼咸宋一鶴汪承詔分別議罪  
逮袁繼咸革宋一鶴汪承詔職充為事官勦賊自贖革山東巡  
撫王國賓職命楊御蕃劉澤清會兵勦曹濮賊澤清屯曹州御

蕃屯臨清以王永祚撫治鄖陽調胃起宗襄陽兵備副使以王  
期昇為襄陽知縣以汪喬年巡撫陝西王公弼巡撫山東高名  
衡巡撫河南先是李仙風被逮以張克儉代之克儉已殉難襄  
陽乃用名衡兵部咨鳳督朱大典集淮徐鳳泗兵掃礦土諸  
賊進兵英霍以扼草左檄牟文綬以兵四千守鳳陵調浙江兵  
三千守泗陵草左犯固鎮離五河百二十里搃兵劉良左逆擊  
之賊引去五河士民皆棹舟出知縣翔鳳練把許曉卿兵數百  
守空城副將楊振宗兵赴之朱大典勒兵自泗溯流至五湖河  
城空無人賊逼亳州知州朱君弘指揮戴明瑞來城守守陴者

委弩礮于地良佐入城中號令繕器械叅將郭世祿督率鄉勇  
脩戰守州始獲全大興勅君宏鳳翔汪承詔與提兵錢中選  
守承天承詔以督師卒兵散無統便宜分布諸將以京楚兵萬  
人駐承德賀人龍等兵六千屯荆沙楚撫兵五千扼應隨太監  
元斌所監諸軍二萬屯黃麻四月丙午朔獻忠以三萬賊屯  
犯應山知縣章日輝禦却之襄陽既空秦楚平賊兵漸集獻忠  
北走隨棗入豫境攻掠汝寧以南光州商城羅山息縣信陽獻  
忠走商城大麥燕子二店廬州謀者雷鳴被執入營見獻忠面  
帶箭創刀痕各二令群賊脩乾糒持半月糧將攻固始謀者逃

歸而賊圍固始破光山逼麻城矣 陳新甲初聞嗣昌疾革密  
請勅丁啟濬星馳出關赴督師軍中便宜視事河南巡按揭報  
嗣昌在荊自救兵潰無統請以啟濬代督師乙丑七進丁啟濬  
兵部尚書兼右僉都御史督師陝西湖廣四川鄖陽河南安慶  
鳳陽應天仍總督三邊如故督撫以下悉聽調度如有期會不  
應致誤軍機者督撫鎮飛章奏司道府竟行拿問副將府佐  
以下即以賜劍從事進勦機且便宜施行丁啟濬督陝兵出潼  
關 兵科給事中張縉劾効故輔楊嗣昌臥裏雄再陷南北咽  
喉拱手資賊中原腹心千里流血督輔統各路之兵開縣一敗

猛帥寥々數百為敵所乘以將予敵誰之過歟左良王者特題  
大將也進止不關乎軍令去來一任乎已心哀繼咸宋一鶴非  
破格推薦以秉鉞者乎萬年策張克儉非不次疏擢以守土者  
乎負朝廷誤封疆雖束身國憲有餘恨矣督師在部校功罪首  
罪洪承疇首功能文燦功罪一紊用人行軍咸倒置矣刑部主  
事雷演祚奏嗣昌死罪有六兩失藩封楚蜀中州亡州縣亡策  
一可斬也變既逃五禁之誅寇患每衆撫臣自卸二可斬也  
獻忠楊入川乃云車袴脫逃說謊欺君三可斬也華嚴滅蝗神咒  
消賊妖書妖言四可斬也貪官汚吏賄賂一入即題監軍五可

斬也能文耀主撫誤國調度護庇六可斬也鳳督朱大興素無  
節制晚撫鄭二陽未嫻將略高名銜陷藩而膺鉞節王公弼退  
怯而推東撫急宜更易庶几無悞封疆河南道御史葉初春等  
復連疏刻嗣昌乃下五府九卿科道等官會勘功罪丙寅一諸  
官集中庶掌左府事定國公徐允貞等議督輔嗣昌之蒙恩注  
也墨哀司尤伐之權矣外吏分綸扉之席矣禁近之臣節鉞閫  
外矣拜名馬寶劍之賜且寵以言矣兵疲餉匱尾賊逗留撫局  
敗盟事當連坐卒使兩藩失陷至于失陷城池尤其小者吏部  
尚書李日宣等議嗣昌奉命專征身任封疆不能保兩郡三州

十九縣二藩淪沒縱有瑪瑙山重木埡諸道四萬九千之斬刈  
何以贖負國辱命之罪乎戶科給事中張元始等議嗣昌奉命  
督師失陷兩藩及三州十九縣罪案昭然御史葉初春等議嗣  
昌以數百萬金錢辦弄兵之小醜裏維親藩相繼淪沒按以祖  
宗之法誠非一死可寬者諸臣合疏上下刑部、覆如諸臣議  
奉旨故輔楊嗣昌奉命督勦無城嵩責乃詐城夜襲之檄再三  
嚴飭地方若因聞知及違制陷賊專責督輔作豈是通論且臨戎  
二載屢著捷功盡瘁殞身勤勞難泯還從公議奏嗣昌機警多  
心計起家戶曹別歷邊鎮徵入中樞以開敏當上心特拜輔政



中允黃道周御史成象以奪情爭之先後下獄熊文燭既僨嗣  
昌不自安請督師南伐萬元吉初謁嗣昌于荆門進言曰師相  
功名蓋天下天下所望于師相者以黃中允成御史之未復也  
誠能為上一言上信師相必立復二公天下士孰不延頸接踵  
願為死哉嗣昌逡巡良久曰吾討賊功成夫不負此言及襄雒  
繼陷二王罹難嗣昌知大功不成慚憤絕食以死廷論咸謂嗣  
昌負恩辱國罪浮于死嗣昌子上書訟冤上心動屢夢嗣昌泣  
起于前上惻然憐之詔雪其罪歸喪武陵

彭子曰苟盡用嗣昌策足以滅賊乎曰不能也諸葛之治蜀

也。則曰：集衆思，廣忠益。街亭之敗，則欲減兵省將，明罰思過，但勤攻吾闕，則事自定。以亮之才，智尚虛以下人。若此，嗣昌足已，以自賢，忽參佐之言，終棄骨鯁，亮直之士，其不能有功也。宜矣。夫為將者，功不必已，立恩不必已，櫛一以賞罰而無容私焉，違其制者，雖功不錄，將無可倖之功，士有必死之心矣。嗣昌以一人言而奪將印，復以一人言而歸將，貲人寵之，跋扈不賢于左良玉。奪此予彼，足以服良玉之心哉。瑪瑙山方捷，良玉未有罪也。瑪瑙之捷，不因乎嗣昌，嗣昌未有功也。進秩加等，覲馬而不辭，良玉無罪而忽罪，嗣昌無功而冒功。

又足以服良玉之心哉。不待夔門之使十九反。知良玉必不  
為用矣。嗚呼。襄雒之陷。明室所由以興亡也。良玉擁師數萬。  
不能制殘亡之寇。乃縱之出柙。要其不奉督師進止者。瑪璫  
之捷。開之也。可以不奉令而有功。即可以奉令而無罪。夔  
正之。避敵實嗣昌啟之也。夫身為元帥。使諸將可以不奉令  
而有功。諸將之功。即元帥之罪也。議者猶紛、引此以寬嗣  
昌也。何歟。

草回五營。聞獻忠東來自潛太西。走廂城以會之。宋一鶴拒隨  
州。應安劉元斌監京兵駐蘄水。一鶴聞草左將勾獻渡江進屯。

新州擒賊謀焚舟斷渡 左良玉自襄陽躡賊至南陽聞將自

雒北走靈陝屯盧氏盧氏貢士中金星有罪當戍邊降于賊

以唐勣被斥與醫尚綱善綱為賊所得賊得醫者輒不殺綱尤

親奉扶金星以見自成自成奇其言留于帳中謀誘車優亦盧

氏人常在賊營供奉逃歸遇金星之叔其言金星通賊扶舉宗

唾罵之亡何金星私歸竊妻子宗人執之首官坐斬減死戍邊

聞自成屯盧氏謁見于牙 閫將妻以女金星薦下者宋獻策永

門偽署弘文館學士官 闖將妻以女金星薦下者宋獻策永

城人長不滿三尺善河洛數獻讖云十八孩兒允上坐以自成

當之賊大喜拜為軍師 督師丁啟濟次承天聞獻攝逼麻城

將渡江擊之監軍御史承詔曰楚兵已厚秦師宜回救豫欽舡

北岬啟濟徘徊五日兵不得渡北走樊城至鄧州閉城不應兵

飢西走呼于內鄉城下有繼麥米相市者知縣鞭之啟濬令監  
軍繼銀錢上通市。梟翹其直兵不飽行山中乏食殺馬騾燎  
野艸啟濬大噉以安士心露章劾之奉旨督師而征朝廷且不  
中制制詔據津通渡鄧州內鄉閉城阻糶失悞軍機莫此為甚  
其議以聞獻標出沒光黃汝德間獻忠東犯信陽宗一鶴以  
寧夏兵屯雲夢孝感庚午獻曹陷隨州知州徐世淳死之世  
淳嘉興人戊午舉人賊急攻南城潛師入道隰北城入世淳遣  
子肇標埋印解後東牆下勒馬巷戰矢貫于頤刀屬于頰眼鼻  
橫墮馬左手掣佩刀右手握印符鋌悅銜于袖賊拽之不得鎗

刀交下陷胸斷股而死。聲標超至拊尸哭罵賊殺之妻趙氏。王  
氏臧肉獲十八人皆死。賊驅趙出不可先殺其所抱幼女申始  
斷其八指罵益厲。賊刃之吏民屠慘無遺。街中血流成渠。五  
月乙亥朔。賀人龍破關將靈陝山中。巡撫名衡屯開封。保督文  
岳屯禹州。左良玉屯南陽。獻操漸北向。將合關。猛如虎。以寧固  
兵扼德安。黃州疽發背不能行。退屯承天。東寇熾。設徐臨通  
津四鎮以護漕。劉良佐駐徐。楊御番駐臨清。張汝行駐通。進淮  
督張四維。兵部右侍郎提調四鎮。河南土寇剽時中。以二十  
萬入北江。援鳳泗。靈壁宿毫蒙城土礦諸賊蟻附。屯義門。丁丑

初斬鄭崇儉、磔王紹禹于市。籍紹禹家，盧九德以禁兵大破袁時中于蒙城。丙戌，斗東阿降賊。夜突東平，閉廂殺臨清守兵二百，燬索駝二，殺千總一。楊御蕃將萬人馳東平，賊首倍送索駝六，官兵死者人償銀四十兩。賊首李青山，東平人屯梁山泊，日操練士馬，太安王冠十餘萬，掠寧陽、曲阜、兗州，燬婦女家，以甲仗偽為男子。官營賊四出焚掠，攻破夏鎮、焚河廳，廨殺通判分鈔沙溝周家營主馬連屯、黃進士，餽以金銀器物，引去入邵家庄。攻洪山孫翰林庄，聞青州兵至，走邵。焚南郭屠沙溝，嬰犄不遠。攻南上褚官庄，褚氏家丁鳴礮殺賊亡，美北走。癸巳，九出傅。

宗龍于獄以兵部右侍郎兼右僉都御史提督陝西三邊軍務  
啟瀾奏三邊已置提督乞更勅書帛行討賊從之 未大典廬  
九德合禁旅徐淮兵敗剋時中丙申<sup>廿</sup>破其巢賊棄牲口宵遁  
丁酉<sup>三</sup>提兵劉良佐將淮兵宋玘將禁兵追擊五十里至龍德  
寺深林敗屋跡殺累<sup>八</sup>賊奔孤堆集不得休宵至界溝戊戌<sup>四</sup>  
昧爽及之賊散入村落輕兵搜之及晨兩軍並進賊扼界溝相  
拒天交河涸日卓午我師稍休後軍負火器至諸軍並進發十  
餘礮賊驚擾還兵死<sup>闕</sup>我兵突戰賊大潰自義門至界溝橫屍  
二百里多羅拜乞生二十萬衆鳥獸散暮大雨時中僅以數百



騎渡河入河南所獲器仗弓矢山積己亥<sup>廿</sup>旋師蒙城九德以  
禁兵回六安庚子<sup>廿</sup>邳州賊犯徐州北關知州朱某列大礮黃  
河岸擊却之知州被流矢卒賊屯滕縣東境邑兵夜劫營陷伏  
五百人盡沒賊數萬焚殺至揚州南沙河店壬寅<sup>八</sup>燬徐州北  
關至赤山燒南歸漕船十六艘東北走入東平州豐縣王冠十  
餘萬圍縣城二日不克徐城賊走合之攻城益急六月庚戌  
<sup>初</sup>剿左五營陷宿松遂攻英山寨將吳斌馳救敗沒英山陷賊  
屯白沙<sup>離英山七十里</sup>  
<sup>通太湖大道</sup>袁時中以衆數千屯壽州聞劉良佐  
兵至北走伊雉盧九德劉元斌分將禁軍屯六安固始朱大

典駐壽州造長鎗三千皆丈有二尺選烏銃三千大閱州縣鄉  
兵合官兵萬人刺期入山搜勦賊分掠諸縣聞之盡撤回合營  
屯潛山左良玉次南漳躡賊至南陽與獻搆戰于西山賊敗  
西走鄖撫王永祚以兵來會獻搆復共攻南陽晝夜穴城知府  
顏日瑜指揮王汝章拒却之遂犯裕州獻忠陷信陽獲左兵旂  
幟襲陷泌陽知縣王士昌不屈死遂圍唐縣獻搆合三營賊  
圍應山楚師敗之退犯德安守者禦却之復合郡盜犯德安京  
楚兵出戰大敗斃賊亡美癸亥拔營走隨州復攻應山冒皮  
帳攻城頭強弓勁弩射殺賊千餘賊懼引去應山多山氓習

射虎豹藥矢傳人肉沸爛立斃賊數攻不能克庚午初傳旨邵捷春失誤軍機流毒未已即日會官處決捷春仰藥死獄中

汶上賊乞降給以冠帶賊首與脅隸數十戰血相結強佔民居縛拷諸生擲其金癸酉初賊首黃蓋呵殿入城練總周祚隆拒之賊抽刀相向祚隆揮刀斬賊首群賊相格鬪走回寨巡撫王公弼勒兵近境令副將羅岱圍其巢焚而殲之五百人無一遺

七月乙亥初率左五營犯廬江官兵嬰城中焚闥廂大掠四境

丁丑初獻忠團鄖陽降將王光恩出兵禦之多所殺擄已卯初

獻忠宵遁鄖兵不敢襲庚辰初率左陷潛山黃得功標下兵

叛焚劫桐城得功遂捕之奔麻城將投獻忠草里眼聞之以銀  
千兩馬騾千驛聘之叛兵收馬騾返聘應天巡撫徐之垣以聞  
詔詰盧九德隱匿不奏降監軍主事楊卓然職三級戴罪滅  
賊自贖張獻忠破鄖西草里眼圍麻城督師丁啟濟大破之  
斬首千二百賊潰走圍解曹操與獻忠有郤自內鄉浙川走  
鄧州南陽左良玉邀擊破之鄧州再勝之浙川辛丑卅鄖兵敗  
績于鄖西獻忠盡斷鄖兵一系縱歸以尋官軍啟濟良玉頓兵  
南陽不敢進閩曹合兵敗官兵于棗陽八月獻忠再勝楚  
師圍獲既盛群盜附之至數十萬東略地至信陽左良玉屯南

陽諸降將家在鄖裏盡被獻忠殺國良王縱兵逆擊大破之斬  
其首將沙奪馬騾萬餘降賊數萬獻忠肘股重創易服夜竄良  
王軍聲大振降附日衆令馬進忠等分兵龍崗蘇家坡牛頭嶺  
窮搜賊戊午獻忠以餘衆數千反走鄖陽督師丁啟濟令黨  
世玉曰祿兵赴鄖遇賊不戰潰獻忠收其騾馬降卒二千趨南  
陽賊多負創不能馳保婦女小子日行三十里丙寅良王次  
鄖陽辛未獻忠自鄖北發獻忠入南陽追之不及督師大兵繼發  
大雨五晝夜江浦崖斷興安東下餉道絕獻忠所部聞良王至  
逃亡十六七汪承詔劾行間將士觀望縱賊九月獻忠衆散

南陽僅有數百騎因曹操以奔闕獻忠與闕並起延西狡詐冠  
諸盜陷襄以後嗣昌自盡自謂威名遠出闕右闕將陷河洛雖  
有衆五十萬欲其北面獻忠不為下闕將怒將殺之曹操知之  
資以良馬五百騎陰令他徒獻晝夜東馳至商城固始與回草  
五營入霍山扼險自保丁啟濟自麻城進兵商城移師北擊闕  
獻忠得逸山中丁丑陝督傅宗龍將川陝兵二萬次新蔡與  
保督楊文岳兵會賀人龍李國奇將陝兵虎大威將保定兵浮  
橋渡河趨項城戊寅初兩軍畢渡走龍口闕曹亦結浮橋于上  
流將趨汝寧覘兩督兵至伏精銳于松林陽驅諸賊自浮橋西

渡人龍使候騎覘賊還報曰賊向汝矣結浮橋將渡矣二督夜  
會諸將于龍口詰朝將戰已卯初宗龍文岳兩軍俱進中道馳  
報曰賊渡矣更進候騎曰半渡矣二督曰疾驅之三十里次孟  
庄日午大威人龍曰兵疲詰朝而戰為營弛馬甲植戈鎗散入  
村落求芻牧賊起林中搏我兵人龍擁千騎不戰國奇逆擊之  
不勝人龍大威奔任邱國奇以所部從之三帥師潰二督合兵  
屯火燒店賊以步卒攻之我師鳴礮擊殺賊數百日暮引去宗  
龍軍西北文岳軍西南晝斬守宗龍慷慨謂任監軍曰宗龍當  
死久矣今日陷賊中當與諸君併力決死戰不能効他人走也

乃召其裨校李本實楊從義董朝宣陳尚本孔臣思所將數千人誓以必死保兵張副將挾保督文岳宵遁奔項城宗龍分秦兵壁東南庚辰<sup>初</sup>文岳奔陳州壬午<sup>初</sup>宗龍飛檄趣人龍國哥還兵救之二帥不應曰此書從賊中來庸知非偽耶二帥叩沈邱請納二軍知縣乘城曰若何不救汝提督入城何為不得入癸未<sup>初</sup>走陳州宗龍穿塹築濠賊亦重濠以困之甲申<sup>初</sup>秦師食盡殺馬騾以食己丑<sup>初</sup>營中馬騾盡殺賊散其屬辛卯<sup>初</sup>鉛矢火器盡宗龍簡士卒夷傷之餘有衆六千二更潛突賊營殺傷千餘潰圍出宗龍率諸軍步戰且走諸軍星散壬辰<sup>初</sup>日中



距項城猶八里賊追執宗龍叩城稱秦督官下請啟門納秦督  
宗龍大呼曰我秦督也不幸墜賊手左右皆賊耳毋為所絀賊  
唾宗龍宗龍曰我大臣也殺則殺耳豈能為賊詐城以緩死賊  
抽刀擊宗龍中脇而仆復厲罵斷鼻死項人殮之于天吉寺哭  
祭之人龍國奇走歸陝閭曹攻陷項城屠之宗龍家人收兵符  
勅印交任邱縣奔計雲南宗龍父大笑曰我兒十七登賢書十  
八成進士按滇浙撫川蘇總督西邊官至尚書戰死報國幸矣  
大聲稱好者再宗龍母妻泣曰翁乃太忍死子不悲撫掌稱好  
何也曰世事不可為不久同歸于盡今死疆場可得死所祖宗

厚德之報也何幸如之 閬曹屯順城分兵屯商水扶溝移屯  
商水土賊蠭起督師丁啟濬屯商城河南撫按高名衡任濬飛  
檄告急啟濬檄鳳皖楚撫合兵勦獻忠戊戌<sub>廿</sub>啟濬自商雒北  
猛如虎方國安將寧國川楚兵為前鋒檄左良玉兵共擊賊據  
督楊士傑收散亡于陳州兵稍集閬曹陷葉縣斬知縣張翼我  
殺守將劉國能初國能同閬曹作賊誓為兄弟國能降于許州  
曹標恨之既破二督聞國能在葉移師圍之拔其城執國能責  
其負約欲殺之國能罵曰我初與若同友今則王臣也奈何從  
賊遂遇害有子八歲閬將收之抱寘膝援所帶小刀自殺國能

妻亦死之賊移師拔泌陽圍曹摧二縣且盡殺秦師士馬勢益  
盛獻忠合回草左諸賊自霍太北行以會之河南土寇瓦礫子  
一斗穀諸盜俱會衆逾百萬聞將令人問撰九問九勸諸詞號  
召群盜勾引飢民號為闔王 太監盧九德劉元斌以京營合  
周遇吉並得功兵追賊及之鳳陽元斌留四十日不進縱兵大  
掠城門盡閉殺樵汲者為首功欲攻城索賂乃免 十月臨清  
顏為賊守左良玉兵攻拔之屠臨顏殺偽官盡獲賊所由自成  
怒合兵攻良玉良玉退保鄆城聞曹圍之良玉悉兵拒守賊陷  
襄城戊午六獻忠合六營賊攻舒城參將孔訓庭禦却之 十

一月陝西巡撫汪喬年收秦督兵合步騎三萬以搃兵鄭嘉棟  
牛成虎賀人龍將之赴河南喬年發李自成先世塚得小蛇斬  
蛇誓師兼程進以輕騎萬餘抵郟縣喬年間襄城新陷未敢進  
襄城貢士張永祺率邑人迎秦師出襄城聞賊聞秦師至解郟  
城圍迎賊喬年立營未定賊至三帥先遁賊乘之秦師潰賊益  
熾喬年以數百人入城守賊攻之五日城陷喬年自刎未絕被  
執見殺守將李萬慶即降將射塔天死之天祥知縣鍾鳴穎戰沒賊深  
諸生剗削百九十人購永祺匿不獲屠其族九家闔鄉三月之  
中再敗秦師獲馬二萬降秦師數萬兵器軍資以美威鎮河雒

乘勝圍南陽用火炮攻城數日城陷殺總兵猛如虎初如虎以  
計殺賊精兵數千已而城陷如虎持短刀卷戰大呼殺賊手及  
袍袖有血數升過唐王國門北面叩首謝上恩自稱力竭賊刺  
刃以出背而死唐王遇害張妃及湘安王走入楚時丁啟濟走  
汝寧楊文岳屯杞劉元斌以京兵赴河南聞南陽陷擁婦女北  
去上命御史趙視其軍元斌悉沉婦女于河河南巡撫高名衡  
按臣任瀛以汴梁危急貽書督師救汴啟濟稱獻忠在商固山  
中庶几旦夕擒今移師救汴恐復脫走不聽 十二月壬寅朔  
給事中張元始御史衛周胤交章劾中州督撫內監觀望不前

致藩封失陷奉旨藩封淪沒督撫固難辭責啟濬勦獻著捷宛  
兵派集頗厚何以失守其察核以聞又旨朱大典督勦五營縱  
賊流毒全無一效著革職回籍聽勘殺孫傳庭命總督陝西  
三邊軍務以兵部右侍郎高斗光提督鳳陽兼督皖楚豫會勦  
星馳軍中受代以徐世廕巡撫安慶蔡懋德巡撫山西追復  
傅宗龍兵部尚書贈太子太保子廕錦衣衛百戶戊辰陞潛山  
叛民勾土賊執知縣李令嘉典史沈所安送獻忠以催科迫也  
闕曹涪州許州長葛鄆陵鄆陵知縣劉振之力絀死而再拜勿  
自刎死遂陷禹州徽王被害并延津王常滄等五王自成自下

南陽開汝州邑望風下膽盡復圍開封督師丁啟濬巡撫高名  
衡巡按任濟樞兵陳永福合兵守汴周王貯庫金于城上擒一  
賊予百金斬一首予五十金戰沒者恤其家傷者以輕重為差  
殺賊亡美陳永福射中闕左目殺賊帥上天龍生擒三十五人  
斬首一千七百級城乃克全賊屯朱仙鎮內鄉鎮平唐縣新塋  
俱降賊鄧州知州劉振逆死之

流寇志卷六

海鹽彭孫貽昇仁氏著

崇禎十五年壬午正月辛未朔閏曹攻汴益急鑿城刺土容酒  
嬰實以硝黃一發迸裂曰小放穴城數丈用硝黃填之發七震  
天曰大放癸未子賊布精騎數千列圍城外驅汴人畚土穴城  
大窟十餘輦火藥數千斤百炬齊燃賊環甲按轡遙望城廂將  
一擁而入昔金人築汴也擊以撞竿土疏而入即生埋築者其  
中故堅如石賊鑿之入數丈積土甃窟外內堅而外浮一發疾  
雷崩天甃塊飛鳴外向人騎皆成血靡城之穿者尋丈賊駛而



解圍南陷西華辛丑年草左陷潛山壬午年陷巢縣二月草  
左陷全椒乙丑年獻忠自貴德長驅至亳州官民望城走獻忠  
接兵入城三月庚午朔闖曹合群盜八十萬圍陳州周圍四  
十里睢陳兵偪副使闕永傑知州侯君權與士民歃血死守盡  
夜乘城傷賊亡美力竭城陷永傑戰死君權被執罵賊死薦紳  
崔泌之舉人王猷手刃數賊被執死之賊怒屠陳州丙子初回  
草左南營五股各步騎數萬趨壽州草左走合獻忠乙酉年獻  
忠合兵自舒城犯六安連花寨屯板山聚糧候麥秋袁時中也  
故縣獻草二賊以百騎走小袁營期共攻六安時中旋合于闕

辛卯<sub>二</sub>閏曹陷睢州邑紳左通政李夢辰死之復陷太康宣府  
巡撫張維世死之哀時中攻柘城商邱知縣梁以璋以兵往  
援擊破之殺千人閏將合諸賊圍歸德府乙未<sub>六</sub>賊鱗次穴  
城飛矢雨集丙申<sub>八</sub>尚書侯恂子方夏<sub>舉人</sub>率家丁甲騎斬關出  
殺傷守門者數十人城中大亂遂陷推官王世琰死之舉人徐  
作霖吳伯喬伯胤及于難乘勢陷寧陵考城四月壬寅<sub>初</sub>獻  
忠陷舒城知縣先以憂去叅將孔庭訓將千人同編修胡守惇  
率士民共守七月餘兵淫掠舒人怨之三月舒人閉城拒庭訓  
庭訓降賊導攻城守恒倡率死守賊以洞車穴城穿數處守恒

督軍民填塞如初賊射書脅降守恒燔書城上賊呼縛長鬚胡  
翰林獻者予千金否則屠之舒城陷有勸守恒曰公鬚頰如此  
賊購公急截之乃免守恒不可怨嗾賊得守恒刺刃其腹攢刀  
殺之獻忠據舒城改曰得勝州令孔庭訓守霍山乙巳初獻忠  
合令左革回袁陷六安川將軍世勲乙邦才王憲守六安世勲敗  
知州朱謀賢州人逐世勲拒諸將于外世勲勾賊陷六安盧九  
德以禁兵援之賊引去己未左革左南營攻霍邱淮營參將張  
士儀禦却之賊繞城南北分道俱至趙家集辛酉士儀令鎮  
巢霍邱步兵出北關自將騎兵出南關共躡賊總兵劉良佐卜

應第副將楊振宗、參將屠師賢、徐彥琦游擊丁啟宗從溜子口渡河逆擊賊前後夾攻追奔三十里至汪家集斬首九百。陳傳庭會師西安斬賀人龍以徇。人龍米脂諸生中武舉効用行間殺賊立功至大帥叛將劇賊多歸之咸得其死力。然貪淫狼戾屢戰不用命。襄城之役朝廷頗疑其通賊。朝議將誅之。密授旨傳庭以人龍所部多降寇副將高松人馬尤驍壯恐為變未敢動。傳庭既入關與巡按御史張穆者密謀之。穆者良久曰得之矣。松妻邢氏拜奠香楹共孫守法妻為姁時相往來。穆者密召守法耳語之。守法置酒令妻召邢氏至則泣而語之曰。賀人

龍謀不軌朝廷將誅之以高嬖人馬精壯大費經營高嬖豈可  
以已功名與他人同逃萬一不測玉石俱焚吾母子不復相見  
矣相持大哭邢氏亦泣曰為之奈何曰只教高嬖約束門下按  
兵不動事定之後搃兵便屬高嬖矣邢婦語訖引躊躇良久乃  
定報如約傳庭檄諸將大會于西安鄭家棟牛成虎賀人龍各  
以固原臨洮兵援勸兵會傳庭置酒燕諸將罷酒起行至旂門  
命刀斧手擁人龍縛于旂杆下數之曰爾奉命入川開縣噪婦猛  
師派軍失利獻曹出柙職爾之由天恩曲貸命殺賊自効輒遇  
敵先潰委秦督秦撫于賊手一死何辭命斬之諸將股栗撫定

諸軍以其兵分隸諸將使人至咸陽勞勩盡統人龍兵歸人龍  
尸令妻子墓之命嘉棟成虎還鎮各選步騎二千期四十日會  
西安檄延綏提兵朱尚義兵至西安隨大兵進勦賊或曰賊聞  
人龍死酌酒相賀曰賀瘋子死取關中如拾芥矣

彭子曰夫開縣之敗陳州之逃誰則為之謂其威猛為賊憚  
者偽也

山西提兵許定國上疏請討賊改定國援勦提兵官統山西兵  
五千隨督師進討癸亥四關曹復封開封賊再攻不克士馬多  
殺傷一日逃者數千乃申約圍而不攻遂困之五月己巳解

應天巡按鄭崐貞劾鳳督高斗光聞舒城陷一月始調兵至潛  
桐所至逗留不進縱兵剽掠徐傳庭檄發莊朝棟猛先功李  
弘澤將陝西兵七千百人起軍前獻忠屯舒城七里河汪家  
灘招土人刈麥三河寨民割羊豕迎賊獻忠攜以牛八頭銀五  
十兩壬申四獻忠遣騎覘廬州至白露寺去郡八十里初參將廖  
應登屯近郊不過得乃乃霍英游民雜貿易入廬州兵備蔡如  
蘓貪虐衆不附督學御史徐之垣較士至郡知府鄭履祥迎入  
鎖院獻忠令黨數百負藍袍書笈隨諸生入旅次甲戌初夜獻  
忠捲甲疾馳至城下城中已發火與外寇合城中大亂鄭履祥

死之之垣如蕪及合肥令湯登貴倉卒踰城走應登不知寇至  
勒兵入巷戰殺傷數十人知獻忠已入斂兵走巢湖丙子初草  
里眼遣騎刈麥無為州士民擊殺之奸人勾賊夜至縱火迎入  
城士民沉河者以美 穎州參將李翹大破左金玉于壽州鳳  
督高斗光次壽州聞廬陷令劉良佐馳援癸未<sub>五</sub>至廬州賊已  
移營去李翹還屯穎癸巳<sub>五</sub>左金玉合回草趨穎州將攻翹以  
報壽州之役翹偵知之四更伏步兵城東南二十里翹將騎兵  
逆擊于城南樊家店伏兵繞其後長槍奮擊追奔三十里斬首  
千級 六月草左諸賊屯六安英霍潛山<sub>太</sub>諸山倚林樾度夏秋



涼復出歲以為常安廬州縣半殘破各官槩舟理事空城烟絕

荆榛塞路賊據六安城執知縣劉思騰縱之携印遁入巢湖獻

忠屯烏沙九井山潛草里眠屯板山舒辛亥三獻忠襲破廬江執

知縣劉思騰縱之携印遁入巢湖焚掠一空還屯白馬金牛諸

洞舒游騎往來桐蕪含巢境廬江為孔道屍橫瓦礫突烟不屬

癸丑五連安廬巡撫鄭二陽鳳陽提督高斗光以馬士英提督

鳳陽軍務丙辰心赦侯恂原戶部尚書罪改兵部右侍郎兼右僉都

御史提督山東河南湖北軍務兼轄平賊援勦等鎮官兵拔蘇

京王漢王變為御史任戌四命蘇京監廷宰甘固兵同協傳庭

星馳出關王漢監平賊鎮及保督兵同侯恂協力援汴王燾監  
陽懷東晉兵部勅諸將刻期渡河太監劉元斌以禁軍大破土  
賊于東平擒李青山斬首千級獻俘闕下許定國將山西兵次  
沁水將渡河一夕潰去寧武兵亦潰于單懷詔遂定國入都

七月己巳朔督師援勦諸軍潰于河上督師丁啟濟保督楊文  
岳合左良王虎大威楊德政方國安諸軍次開封朱仙鎮賊壘  
相望啟濟督諸軍進戰水坡左良王曰賊鋒方銳未可擊也啟  
濟曰汴圍已固豈能持久必擊之諸將懼請詰朝戰不聽良王  
以其兵走襄陽方國安熊惟賢以其兵南走營中亂中軍都督

陳可立跼擁督師馬足涕泣趣行楊德政虎大威以保督走汝寧諸軍盡潰啟濬文岳聯騎奔汝寧賊渡河逐之追奔四百里喪驛馬七千餘兵數萬俱降賊啟濬印劍俱失監軍御史汪承詔以聞詔逮丁啟濬下獄楊文岳革職聽勘兵科給事中方士亮劾許定國挾非分之賞率援汴之師陰縱兵士鼓噪西歸藉口招募逍遙河山川將甘良成當六面會師之日輕信丁顯爵身入賊營被執易質以出奪國已甚賊以撫愚良臣明肆劫掠予銀數千給米萬石捐地數邑不得已而會師陰洩師期教賊分營勿屯一處不特為賊候且為賊用丁啟濬楊文岳百事由

人一敗塗地勅印俱失畢天下之物力繫以資敵可寬三尺之  
法乎兵科給事中顧鑑奏總兵陳可立方國安叅將熊惟鰲棄  
督潰逃可立身督中軍不能嚴整潰兵涕泣馬前長跪促行國  
安惟鰲奉令防汝乃云趕兵南走襄陽可立前援蜀中坐視殺  
鹵促之赴敵背道而馳惟鰲毆傷羅田縣令法紀蕩然國安乘  
机打掠山寨亂形較著按其首從而誅罰之庶可懲玩鼓銳用  
奏廓清矣

彭子曰閩賊再破秦師堅甲利兵皆為賊有群盜附之號曰  
百萬席捲宛雒以來未有與敵者也計河上之兵不踰十萬

強弱衆寡之形其不敵也明矣。兵以正合，以奇勝。士心方懼，未可戰也。乘暇抵隙，小勝以堅衆志，乃可持久。啟濬驅皇，欲潰之兵，搏方張之戰，賊不已蹙乎？賊擁百萬之衆，而頓堅城之下，兵多則餉不能久。袁紹之所以敗于官渡也。曹賊之糧盡，謀他徙，此其徵矣。誠能用澤清之謀，築甬道以達汴城，運河北之粟以給軍，養士銳以待秦師，秦師既衆，我氣自倍。賊師老勢絀，不能無變；而乘之蔑不濟矣。多方以撓之，清野以困之，燔其屯，斷其餉道，雖有百萬之衆，未有能久者也。乃未可以戰而驟驅之戰，賊未渡河，我師先潰，奉賜劍以

專制六師不能斬一逃將安能驅之必死之地哉印劍俱失辱國甚矣此之不誅欲收餘燼以制敵難矣

甲戌初六革里眼毀廬州城命山東提兵劉澤清據開封巡漕御

史霍達奏曰賊擾山東兩年漕事大壞青山雖擒攻略往見告恐澤清去而賊復熾漕事不堪再悞左良玉賊之敵手也臣鄉趙天胤兵及賀人龍遺兵皆可勦賊而苦無紀律提督孫傳庭所用臣鄉之將鄭大棟孫枝芳考孫守法鮮大英皆一時之選乞屬諸將以討賊而留澤清以護漕不報刑科給事中時光亨奏曰臣在蜀見所調獠兵手持槍口銜刀腰佩短刀弓矢各器

環相為用而尤善于槍踞而拒敵忠萬悍兵亦然張獻忠馬後  
長曳一巨棒急則用之槍輒應手而斷止蓮花寺僧兵庶可爭  
鋒乃知鎗以制刀棍以禦槍破棍之法衆謂必須虎必以此推  
之五兵必相勝而後能推鋒必相習而後能勝制也庚辰計下  
兵部尚書陳新甲于獄 試御史王孫蕃劾太監劉元斌監禁  
軍南討擁兵不戰班師過山東焚劫淫汚殺良冒功欺蔽不法  
辛巳計上御午門早朝畢傳旨留百官召王孫蕃河南道御史  
奏孫蕃新授試御史未給牙牌例不得入禁門上乃發孫蕃疏  
面諭百官曰劉元斌縱兵害民王裕民扶同欺蔽俱下法司問

罪踪蕃發奸有功加職一級 副將卜從善以偏師南渡河夜  
援賊營賊驚走逐之全師北渡賊追不及 八月汴圍久城中  
乏食周王恭枵捐庫金先後一百二十萬養戰士繕器具復捐  
歲祿萬石以繕兵國廩空虛宮人飢色曹操以食盡謀他徙聞  
賊分糧餽之約破汴以汴城東隅屬曹操乃留不去 召回御  
史嚴雲京以玉澳巡按河南仍監軍督勦接運 回草左連營  
屯光山羅山分略信陽犯麻城獻忠屯陶冲辛丑初拔營分為  
三一軍上六安一軍趨廬州一軍往廬江三河鹵雙橋巨舟三  
百以所獲廬江火藥三十桶大炮三十餘門據巢湖大治舟艦



習水師因合回草賊諸老哨三十二營小哨二十四營水陸俱  
下習于皖口聲言渡江出蕪湖犯南都參贊机務尚書熊明遇  
請命淮撫史可法移鎮揚州應撫王希憲移鎮句容廢將劉  
超請以家丁援汴授超援勦提兵給關防隨督師殺賊超索家  
丁百餘復招劇盜張廷璽為軍鋒與袁時中戰于夏邑勝之頃  
兵不進兵科給事中方士亮奏曰自大臣凌鏢武臣矯枉太過  
假以事權敢于殺掠通賊甚者舉軍降寇如玉紹禹孔庭璽刻單  
世勛倒戈相向以督師保督而楊德政諸將棄之如弁髦陳可  
立方國安輩招之如充耳欲無敗也得乎平時鎮將不知有督

撫弁流陞遷必督撫主題自定許國惺然具疏諱敏忠又以標  
營旂鼓為請撫旣在鎮督亦非遙不為呈會劉超家居廢弁一  
紙空書遽還上將坐視汴園棲遲數月臣不知朝廷授超此官  
者何謂虛擁節旄不救藩封之急不聽督臣調度三尺法安在  
哉伏乞詰敏宗擅專之罪罷斥劉超即便恂不得枋榆之故廢  
公家事也 逮逃將楊德政入都鳳督馬士英以兵復廬州廬  
被焚門堞俱盡為賊平夷士英以兵八千駐金斗城城守于耐  
獻忠陷六安斷民臂男左女右各一廬九德以黃得功劉良佐  
兵救六安戰于夾山殺傷相當再戰我師敗績九德退屯鳳陽

得功歸定遠馬士英屯壽州己未<sub>廿</sub>保鎮游擊趙崇新與袁時  
中講撫夏邑見紹被殺劉超請以弟樾填補不報丙寅<sub>九</sub>傳旨  
丁啟濟捐師奉國勅印俱失革職刑部擬罪楊文岳革職勘議  
九月己巳<sub>二</sub>初以黃配玄為右僉都御史協理勦務巡撫安廬池  
太蕪轄兗州固始蘄州廣濟黃梅德化湖口 袁時中聽撫夏  
邑詔許投誠自新時中出不脩突入蕭縣執知縣去甲戌<sub>七</sub>初獻  
忠焚樅楊奪巨賈舟百餘入桐城境擄善水人厚供億謀西  
犯乙亥<sub>八</sub>初斬楊德政于市 左革犯潁州袁時中亦從太康東  
渡黃得功劉良佐合兵潁上擊時中大破之遁六安山中二將

入山擒斬數千時中僅以身免二軍屢破賊、畏之呼為牌子  
軍得功八尺餘勇猛敢戰號曰黃鬪良佐每乘班馬號曰花馬  
劉葵未斬陳新甲于市周延儒力救之曰舊典中樞兵不臨城  
不斬上曰邊城且不論倖辱我親藩七不甚于薄城乎 河決  
沉開封汴園半載秦督孫傳庭厚集秦師出其西保督侯恂以  
河北陽懷保兵出其東傳庭募兵數月甫出潼關河北兵遂巡  
未敢戰辛未初楊文岳屯汝寧夜襲賊營小有斬獲賊起逐之  
走伏兵起殺亡美賊脩益密諸軍集朱寧寨與賊營相望劉澤  
清曰朱家寨去汴八里以五千人渡河依河為營引水環之以

次列營直達大堤築甬道以轉餉則汴可持久賊兵已老可一戰走也以三千先渡列立營賊攻三晝夜諸軍無繼者拔營西歸有獻策高名衡曰賊營傳大堤決河灌之盡為魚鱉矣然城中可無恐周王募民壘羊馬城高厚如岸援兵掘朱家寨口闖曹覺移營高阜多儲艤艘巨筏反決馬家口以灌城驅民大數十萬築堰繫堤大雨經旬黃流驟漲癸未十六馬家口朱家寨一時並決大聲振百里鉦者漂沒數十萬賊營沉數萬人河流排汴城北門入穿東南門去流入渦水渦驟長二丈士民溺死數十萬城堞卑者沒波中巡撫名衡提兵永福乘小舟至城頭

周王府第已沒從後山逃出西城樓同寧鄉安鄉永壽仁和諸王宮眷雨中露棲城上七日督師侯恂遣官檄舟以迎王庚寅廿稔兵卜從善監軍御史王變以水師至汴城推官黃澍從王乘城夜渡達堤口督師侯恂巡按御史嚴雲京河北道楊千古總兵白邦政列營朱家寨傳鋒鳴礮若雷霆辛卯卅周王次封邱入延津闖曹乘高結筏以矢石擊汴人北渡者遺民尚數萬賊浮舟入城盡虜以歸河北諸軍以大礮擊沉之奪回子女五千人舊河故道淺不盈尺可亂而渡埽德隔于河北邵毫以下皆被其災汴梁佳麗甲天下大堤游女管弦春秋紛咽群賊心

艷之前後三攻汴士馬斃者無算閹曹積憤夫必拔長圍半載  
師老勢絀久懷灌城之謀願以子女珍寶山積不忍填之水族  
因汴人決河之謀乘勢沉汴賊營高阜然亦陸沉數營汴人則  
盡委波臣矣

彭子曰吾觀于閹之三攻汴而知其無能為也夫伯王之資  
必爭形勝要害之地汴沃衍而平夷無高山深險為之阻也  
其民樂游觀工歌舞絲竹非有勁弓良馬蒼頭突擊之雄也  
攻圍久民多菜色非有粟麥魚鹽之饒富也然而閹力爭之  
者利其子女珍寶耳擁百萬衆于盛城之下耗吾士馬十二

三以爭無用之地珍玩之和而終不能者其為策亦疎矣天誘其衷而澤清之謀用汴人持久賊形勢益絀秦師既集觀隙以動一戰勝之百萬瓦解豈非烏林八公已然之效耶侯恂選懦觀望不能制賊反為所乘世無決河以全城者非賊能滅汴而汴人之自滅也孰謂天也哉

獻忠再陷六安得功良佐馳援皆為所挫因謀取安慶桐城渡江入南京僭號天命先刻偽寶選自宮男子偽署副總叅將諸官聞黃劉大兵將至已卯十拔寨走潛江命驍賊一堵牆以二百騎為殿遂縱火掠舟小市港進營古城長嶺二山

潛山境內獻忠



步騎七十哨分為四大營左右二營老本心腹也咸以川人為  
管隊前鋒二新營在庭訓軍世勦降兵也叅以蓮花寨民每戰  
為賊導婦女小子數萬賊營前阻大溝後枕山險休營息馬為  
持久計庚辰計得功良佐將左兵為廖應登等捲甲疾驅夜半  
緣山後寨而登賊驚起倉卒格鬪三軍奮擊賊阻大溝不得成  
列踰崖跳澗四潰新營殺且盡老營且戰且走追奔六十里斬  
首萬餘左營老本盡右營戰跡保獻忠潰圍走一堵牆伏林中  
以邀我師圍之焚林二百騎盡殲初六安夾嶺之戰老本賊被  
傷二百餘肩輿舁以行皆就俘浮齒滿林怒張犬鳶鳥噪呼相

逐臭達百里奪其騾馬數萬婦女數千賊腹心謀士婦監皆盡  
鳳督贊畫黃鼎以土兵襲破賊于羅田命徐州總兵劉良佐赴  
督師軍前援勦以劉襄佐為徐州總兵 宿州地震有聲者四  
回分營犯蕪湖掠桐城安慶阜左犯潁州旋北合于闕曹 秦  
督孫傳庭次南陽闖曹諸賊西行逆秦師傳庭三覆以待之牛  
成虎將前軍左勦將左鄭嘉棟將右高杰將中軍成虎陽北以  
誘賊 奔逐入伏中成虎還兵闖高杰重圍禮安起翼之左勦  
鄭家棟左右橫擊之賊大潰東走斬首數千窮追至家頭寨賊  
棄甲仗軍資四竄秦兵追取無復步伍賊帥羅以救兵至覘我

軍驚乘之左師潰諸軍皆潰副將孫枝秀躍馬以追賊擊殺數十騎賊圍之突戰馬蹶被執挺立不撓臨之以刃張目不答一人曰孫副將也殺之叅將黑尚仁被執不屈同見殺覆軍數千材官小將之沒者張璠登李棲鳳任光裕戴友仁以下七十有八人賊倍獲所喪馬御史蘇京以聞詔斬柳梅樗蕭漢囚左勳令入馬二千以贖罪責左光先平賊以自贖賞高杰重學禮勳迺郭可通白汝震復平成虎趙天氣職貸鄭家棟申申獻忠犯廬州十月陽曹破秦師收裕州李好為之用乘勝攻南陽拔之屠南陽招冢頭散亡傷夷諸賊回南陽還屯開封是瘞諸

金甌三月乃起丙午<sup>初</sup>劉良佐大破張獻忠于安慶收馬騾五千救回難民數萬丁未<sup>初</sup>山東巡撫按御史陳鼎覆奏劉元斌縱兵焚掠皆有狀奉旨禁旅每出朕必再三戒諭申嚴紀律蕩寇安民今焚殺淫掠春秋皆有狀東民何辜遭此慘毒王裕民劉元斌通同欺蔽荼毒生靈法難輕縱元斌即會官處決王裕民及領官將弁刑部三日內擬奏并劉元斌引律定案元斌勦寇微勞仍優恤家屬以昭功罪不掩之義張獻忠攻桐城不克劉良佐以兵援之獻忠西走入蘄水高名衡退守歸德稱疾篤巡按御史王漢為之請命回籍兵科給事中方士亮請撤

回太監盧九德以討賊專任督撫不報以署提兵劉鎮藩管  
川北提兵事徐傳庭以兵敗請斥奉旨傳庭治兵數月遇敵輒  
潰罪無可辭念初戰曾勝策勵立功自贖即整兵奮銳速奏蕩  
平仍有殊功上賞毋得以前衄退諉闕曹合兵壁汝寧十  
一月丁卯朔劉超反于永城殺御史魏景琦舉人喬名楷以  
守汴護藩功授開封推官黃澍江西道御史己巳初發御前銀  
十萬兩命黃澍齎赴汴以三萬賜周玉為宮眷供億其餘七萬  
聽澍與督撫酌量賑資郡王宗室見存者及見在汴城官兵遷  
河北飢民汴城十萬生靈死守不渝亦致祭以慰忠魂丙子初

王漢巡撫河南 獻忠入楚劉良佐還淮安黃得功還定遠鳳  
督馬士英會諸將王憲劉良佐黃得功于壽州大燕將士以三  
鎮兵北援永城 孫傳庭自家頭之敗收斬逃將自登州進兵  
向汝寧闖賊以游兵北渡窺懷慶劉澤清禦却之命劉澤清以  
陽懷兵歸守臨清未几徵入衛乙酉九月抵河尚書張四維至河  
上黃河故道為平陸細流如綫人馬徑渡南岬會督師侯恂御  
史王漢王變充西濟寧大梁河北諸道于朱家寨祀河伯登金  
隄、四五斷黃河直貫汴城斷垣數堵隱見水上朱家寨決口  
二里水流悠緩馬家口決口一里接賊壘洶湧駛疾河流趨馬

家口十七朱家寨十三歸故道者十一 保定總督白邦政奉  
命入衛驢馱汴梁子女珍寶走太行行道入山西總永陳永福  
叅政陳德先截其輜重于武陟報聞督府叅其枉道不法狀邦  
政從柳園武安潞城入出西丁亥廿草湖廣巡撫宋一鶴職

哀時中北合于闐 閏十一月大兵下畿南至淮北哀時中夜  
擾其營至河而返賊鹵獲富俱為所奪也癸卯初兵部奏恤死  
事降將贈劉國龍左都督特進榮祿大夫李萬慶都督同知榮  
祿大夫立祠襄城致祭 闕曹回草左諸賊自上蔡舞陽分道  
犯汝寧楊文岳以保兵守汝丁未十一文岳遣都司康世德輕騎

偵賊及走回汝步騎五百夜縱火噪而南走戊申計文岳遣將  
韓斗都司連登峰追之己酉計賊至壓汝寧五里文岳以保兵  
屯城西監軍孔貞會以川兵屯城東賊進攻相持一晝夜川兵  
潰被殺數百人賊奪其馬騾悉衆攻保兵漸不支分巡僉事王  
世琛總將士入城副將賈懌恭將馮名聖掖文岳貞會上城共  
守庚戌計賊四面環攻戴扉障矢石雲梯如牆立城頭矢礮雨  
集死傷山積攻不息一鼓百道俱進城陷文岳世琛賈懌馮名  
聖通判朱國寶皆被執汝陽知縣文師順死城上知府傅汝為  
赴水死賊擁文岳等見闕曹自成曰先生朝廷重臣自不當屈



然時勢至此公欲何為耶文岳曰我恨無兵以殺賊今日死耳  
復何言文岳罵賊不絕口世琛國寶皆不屈賊怒縛文岳等將  
至城南三里店大礮擊殺之世琛初為河南府推官屢却賊矢  
貫耳不動號王鉄耳初成塋文岳題樹曰忠臣楊文岳墓縛崇  
王由積索寶冊不得拷之王妃張氏大罵賊：怒先殺妃并王  
二子士民屠戮數萬燔王府及各公私廨舍倉庫城中瓦礫俱  
赤賊屯城外七日丁巳拔營走確山信陽泌陽向襄陽國崇  
王及世子河南懷安諸王諸妃嬪以行懷安王至唐縣朱家集  
得脫歸大寇去王賊紛紜入城搜害藏掠村落官兵斬集乃去

河南土寇李好獮學禮李際遇擁衆各數萬小者亦數千哀時  
中屯太康境

彭子曰文岳之保督救開封則頓兵河北而不敢進戰項城  
則棄秦督先奔而不相顧強敵壓郊成將喟適文岳之紀律  
可知也惟是碎身賊庭氣不少挫道府將帥同城存亡即大  
盜亦目以忠臣庶几無愧死綏乎

王漢以兵入永城劉起襲殺漢十二月左良玉自來仙鎮南  
濟久屯襄陽諸降附之擁衆二十萬餉于官者僅二萬五千餘  
皆因糧村落襄人不堪闖賊合曹回草左四十萬席卷泌陽唐

縣而西良王營襄陽近郊大造戰艦于樊將避敵入郢襄人怨其淫掠焚其舟良王怒掠荆襄巨估船載軍資婦女身率諸軍營樊城高阜樊西多淺灘令副將惠登相截羊皮灘游擊于躍鱗截鍾家灘慮賊繞他道躡其後沿途伏雷暗弩甚設賊勢大襄洛之民牛酒迎賊戊辰初賊騎數萬至樊城良王乘高飛礮擊殺千餘騎賊趨羊皮諸灘不得渡樊民怨良王導賊避伏机繞道至白馬渡臨江欲濟良王驚徙合鄖撫王永祚兵拒之賊驅樊民架扉負大炮渡灘以騎壓其後步騎相逼不得前却兩軍烏鎗弓弩注射橫屍江面者數千不能過良王惧拔營南走

賊不敢逼既渡攻城王永祚奉襄唐二世子跳城走岳陽武昌  
已巳初襄陽陷賊分兵下夷陵宜城荊門漸向荊州左良玉全  
師上漢口欲入奉承大巡撫宋一鶴巡按李振聲閉城不納振  
聲曰左兵日食米千斛郢中安從得此粟即有人以食郢人可  
自為守良玉下武昌次金沙洲閩將逼荊州甲戌初偏沅巡撫  
陳睢謨棄城奉惠王走湘潭乙亥初張獻忠屠桐城曹操與左  
兵戰唐縣敗走小江口閩將令老回即馬守應據峽陵犯澧州  
令草里眼即賀一龍趙德安窺黃麻草里眼至黃陂阻水不前收左  
良玉殘兵八百人以歸先見曹操閩將大恨之始忌曹操初旬

成之下宛葉破梁宋兵強士附有專制心慮汝才不為下閒置  
酒譙對汝才曰吾與汝起草澤不自量至此今當圖關中割土  
分玉汝才粗疎又大醉張目答曰吾等橫行天下為快耳何專  
土為自成意大忤賀一龍馬守廬惡自成有兼并心請自為一  
軍顧與汝才善自成益疑之罷偏沅巡撫陳睿謨鄖陽撫治  
王永祚丙子計以李乾德撫治鄖陽丁丑計獻忠自思縣突至  
潁州焚掠已卯計闖賊下荊州士民迎賊陸師齎碎賊礮檄倡  
義討賊無應者乃自盡辛巳計闖賊入荊州公安石首松滋枝  
江澧州土寇蜂起張獻忠自皖城大剽遊入蘄水袁時中犯

鳳皖諸軍戰潁山丙戌廿獻忠氣來虛陷無為執知州張代樞遂  
陷黃梅知縣張聯芳遁走壬辰自天堂山拔營至三祖寺以三  
百騎襲陷太湖